

մոտ, մի երեք օր այսպես պահում. երբ հոտում էր՝ դուրս էին հանում, շուղը թափում, մազը ձեռքով քանդում, ապա հօլդօրքը ըն՝ տրորում են. կաշին փափկում էր, կօկլրկանքը՝ հարթվում:

Տէգի պորտի և ետևի ծակերը փակում էին փայտե կլոր կտորների՝ սրկօլակնէրի վրա ամուր կապելով, իսկ վիզը պահում էին ազատ, որպես տկի բերան: Հեղուկը դուրս ածելու համար առջևի ոտներից մեկի, սովորաբար ձախի վրա հարմարեցնում էին փայտե խողովակ: Տկէրի և մանավանդ ահագին ռումբի վերջնական պատրաստումը կատարվում էր մասնագետ վարպետի ձեռքով:

Ոչ տիկ հանած, սոսկ մաշկած և մազից մաքրած կաշուց էին կարում տրէխնէր, իսկ ավելի լավ փափկացրածից՝ պարկեր: Պարկերը, սակայն, ավելի հաճախ շինում էին տիկ հանած կաշուց: Վզի կողմը կարում էին, իսկ պոշի կողմը թողնում ազատ, որպես պէրան:

Տան մեջ պատերից և սյուներից կախված էին լինում դանազան մեծօթյուն ունեցող պարկեր—սկսած մեծ տեսակներից, որոնց մեջ պահվում էին, օրինակ՝ ձավար, բրինձ, և վերջացրած փոքրերով, օրինակ՝ չօբաքի պարկով, որով նա մածուկը երբեմն իր հետ տանում էր դաշտ: Պարկերի մեջ կախված պաշարը պաշտպանվում էր տան խոնավությունից:

Զօբաքի մեջքին ձգած պարկը շինվում էր մեծ մասամբ մազը դուրս պահած տկից: Այսպիսի պարկը Զանգեզուրում շէր ասեղնագործվում և այնպես դարդարվում, ինչպես Լեհինականի, Ապարանի, Ախալքալախի, Ախալցխայի և առհասարակ Արևմտյան Հայաստանից գաղթած հայերի մեջ:

Կ Ա Վ Ա Գ Ո Ր Ծ Ո Ւ Թ Յ Ո Ւ Ն

Հին Զանգեզուրում գործածվող ամանները, թե՛ կերակուր պատրաստելու և թե՛ մթերք պահելու, մեծ մասամբ հօղից՝ կավից էին շինում: Մեր այցելության միջոցին արդեն տարածվում էին գործարաններում պատրաստված հախճապակե և մետաղե՝ էմալարած, այլումինի, պղնձե, ապակու ամանները, իսկ հնում եղած ամբողջ պահանջը բավարարվում էր միայն տնային և արհեստավորական արտադրությամբ: Առաջինը՝ առավելապես Սիսիանում և Կապանում, երկրորդը՝ մանավանդ Գորիսի շրջանում, որտեղի պրոնտնէրը՝ բրուտները անուն էին հանած ոչ միայն գավառում, այլև ավելի հեռավոր վայրերում, օրինակ՝ Լոռում, որտեղ Քոլագերան գյուղի բրուտները զանգեզուրցիներն էին:

Տնային կավագործությունը բացառապես կանանց գործն էր, իսկ բրուտությունը՝ միայն տղամարդկանց: Կանայք գործադրում էին շատ հին ավանդական տեխնիկա: Աշխատանքին մասնակցում էին առնվազն երկու կին: Նախ պատրաստվում էր անհրաժեշտ նյութը. սովորաբար երկու բեռ դումի՝ ավազի հետ խառնվում էր մեկ բեռ կավ, երբեմն նաև ծեծած աղ, իսկ քօրօնի համար՝ նաև շնչին քանակությամբ փոշի դարման և մի բուռ այծի մազ: Մի կին այս ցեխը բոբիկ ոտներով կոխոտում էր և հունցում, պատահում էր, որ դա տևում էր երկու օր: Ստացվում էր մածուցիկ զանգված, որը նույն կինը կամ մի ուրիշը, տախտակի վրա¹³⁰ երկու ձեռքերով ետ ու առաջ գլորելով պատրաստում էր հաստ գլաններ կամ սուղախանման՝ պարանանման կազմեր¹³¹: Իսկական

¹³⁰ Հաճախ վերցնում էին խմորի սեղան-տախտակը:

¹³¹ Այլաշկերտում՝ պլուլ, Իգդիրի հայերի, հոտների մոտ՝ արմրակ, ախալքալաքցիների մոտ՝ Լոլօգ: Ռուս.—жгут.